

Асалари инсонни чаққандан сўнг ўлишининг сабаби



09:30 / 09.09.2021 6645

Маълумки, асалари инсон ва бошқа сут эмизувчиларни чаққанидан сўнг қочишга уринади. Инсон териси қалин бўлгани учун игнаси терига ёпишиб қолади ва қочаётганда игнага қўшилиб заҳар халтаси, ичаги, ҳазм аъзолари ташқарига чиқади, арининг ўзи қочади. Аммо ички аъзоларидан айрилгани учун тез орада ўлади. Асалари териси ёмшоқ жонзотни чаққанда ўлмаслиги мумкин.

Асалари инсонни чаққандан сўнг ўлишининг илоҳий ҳикмати ҳам бор. У инсонни чаққанда инсоннинг қони билан ифлосланади, баъзан инсондаги оитс каби касаллик вируси асаларига илашиб қолади. Агар асалари ўлмасдан инига борадиган бўлса, илаштириб келган вирус билан ин ичининг, асалнинг зарарланишига сабаб бўлади. Шу боис унинг инга етиб

бормай ўлиши Аллоҳ таолонинг раҳмати бўлиб, Роббимиз шу йўл билан асални ифлосланишдан, бошқа ариларни касалланишдан сақлайди. Шундай қилиб асал тоза, шифобахш ҳолда сақланади. Зеро, Аллоҳ таоло Қуръони Каримда шундай деб марҳамат қилган:

أَمْ مَوْرَجٍ شَلَا نَمَوَاتُ وَيُبَلِّجُ لَابِجَالَا نَمَ يَذِخْتَا نَأَلْحَنَلَا كَبَرَايَحُ وَأَو
نَمُجُحِي ۚ أَلْذِكُّبَرَلْبُسُ يَكُلُّسَافِتَارْمَثَلَالُك نَم يَلُكُّمُثَنُوشُرَعِي
هَيَّآلَ لَذِي فَنِّ ۚ سَأَنَلَلْءَافِشَ هَيَّ فُهُنْأَوْلَا فَلَ تَحْمُ بَارَشْ أَوْنُطَب
نُورُكَ فَتَيِّمُوقَل

«Роббинг асаларига ваҳий юборди: «Тоғлардан, дарахтлардан ва кўтарилган ишкомлардан уй тутгин. Сўнгра ҳамма мевалардан егин. Бас, Роббингнинг осон қилиб қўйган йўлларида юргин». Қоринларидан турли рангдаги ичимлик чиқар. Унда одамлар учун шифо бордир. Албатта, бунда тафаккур қилувчилар учун оят (белги) бордир» (Наҳл сураси, 68-69-оятлар).

Ушбу оятда «Унда одамлар учун шифо бордир» деган жумла асалнинг шифобахш неъмат эканини баён қилмоқда. Асалдаги шифобахшлик хусусияти йўқолмаслиги учун ҳам инсонни чаққан асалари инга бормай вафот этади. Асалари чақишга шошилмайди. Фақат ўзи, ини, жамоаси учун хатар юзага келганда мудофаа учун чақади.

Асални пок ҳолда сақлаб, бизга ризқ, шифо ўлароқ ато қилган Аллоҳ таолога беадад ҳамду санолар бўлсин!

Роббимиз ҳаммамизни Ўзининг ҳидоятидан айирмасин ва хотимамизни чиройли қилсин!

Нозимжон Ҳошимжон тайёрлади